

ქალაქ თბილისის მუნიციპალიტეტის საკრებულოს ეკონომიკური
განვითარების, საინვესტიციო პოლიტიკის და საერთაშორისო
ურთიერთობების კომისიის თავმჯდომარის
ლევან არველაძის

2020 - 2021 წლებში გაწეული მუშაობის შესახებ
ანგარიში

მოგახსენებთ, რომ ვარ ქალაქ თბილისის მუნიციპალიტეტის საკრებულოს წევრი. საკრებულოში გახლავართ ეკონომიკური განვითარების, საინვესტიციო პოლიტიკის და საერთაშორისო ურთიერთობების კომისიის თავმჯდომარე, ფრაქცია „ქართული ოცნება-დემოკრატიული საქართველოს“ წევრი და ქონების მართვისა და საფინანსო-საბიუჯეტო კომისიის წევრი.

2020 წლის 1 ნოემბრიდან 2021 წლის 20 სექტემბრამდე პერიოდის განმავლობაში სულ მოწვეულ იქნა საკრებულოს 22 სხდომა, ბიუროს 25 სხდომა. მიღებულია 108 დადგენილება და 497 განკარგულება.

საანგარიშო წლის პერიოდში ფრაქციას „ქართული ოცნება - დემოკრატიული საქართველო“ ჩატარებული აქვს 16 სხდომა, დავესწარი 14 სხდომას, სადაც განვიხილეთ და სხვადასხვა სახის რეკომენდაციები შევიმუშავეთ 25 საკითხზე.

**ეკონომიკური განვითარების საინვესტიციო პოლიტიკასა და საერთაშორისო
ურთიერთობების კომისია**

2020 წლის 1 ნოემბრიდან 2021 წლის 20 სექტემბრამდე ჩატარდა ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიის 14 სხდომა, რომელზეც განხილულ იქნა კომისიის კომპეტენციაში შემავალი 22 სხვადასხვა საკითხი: ქ.თბილისის მუნიციპალიტეტის მერიის ეკონომიკური განვითარების საქალაქო სამსახურიდან მოწოდებული პროექტები, ქალაქ თბილისის მუნიციპალიტეტის საკრებულოს დადგენილებებში ცვლილების შეტანის შესახებ.

ამასთან, აღსანიშნავია კომისიის მიერ განხილული და საკრებულოს სხდომებზე წარდგენილი, ქალაქ თბილისის მუნიციპალიტეტის მერიის ეკონომიკური

განვითარების საქალაქო სამსახურთან ერთად შემუშავებული და ინიცირებული ის პროექტები და ღონისძიებები, ასევე ამ პროექტების განხორციელებით უკვე მიღწეული თუ მოსალოდნელი შედეგები, როგორცაა: ვაჭრობა, მრეწველობა, ტრანსპორტი და ლოჯისტიკა, მშენებლობა, ჯანდაცვა, განათლება, საფინანსო სექტორი, სასტუმროები და რესტორნები.

1. **თბილისის მუნიციპალიტეტის მასშტაბით უძრავი ქონების საბაზრო ღირებულების შესწავლა.** კვლევის შესყიდვით მივიღებთ ქ. თბილისის მუნიციპალიტეტის, მისი თითოეული რაიონის და უბნის ძველი აშენებული და ახალაშენებული უძრავი ქონების ტრანზაქციების რაოდენობას და საშუალო შეწონილ ფასს.
2. **ტურისტული ბილიკების მარკირება (2 ტურისტული ბილიკის მარკირება) და შესაბამისი ინფრასტრუქტურის მოწყობა.** ქ. თბილისის მუნიციპალიტეტის ტერიტორიაზე საფეხმავლო ბილიკების მონიშვნა და ინფრასტრუქტურის მოწყობა უნდა განხორციელდეს შემდეგი მიმართულებით: უძოს მონასტერი - კუს ტბა, ბეთანიის მონასტერი - ბეთანიის აგარაკები.
უძო - კუს ტბის მარშრუტზე დამონტაჟდა 11 ბოძი (ადგილის ნიშნით), 10 ერთწარწერიანი და 9 ორწარწერიანი მანიშნებელი, 2 ცალმხრივი და 2 ორმხრივი საინფორმაციო დაფა, ბავშვებისთვის განკუთვნილი სამი ორმხრივი საინფორმაციო დაფა, 1 ფანჩატური, ცეცხლის დასანთები ადგილი დასაჯდომით.
ბეთანიის მონასტერი - ბეთანიის აგარაკების მარშრუტზე 6 ბოძი (ადგილის ნიშნით), 10 ერთწარწერიანი და 4 ორწარწერიანი მანიშნებელი, ცეცხლის დასანთები ადგილი.
3. **„ქალაქ თბილისში, შპს „ცენტრ პოინტ ჯგუფის“ დაუსრულებელ მშენებლობებთან დაკავშირებით, რიგი ღონისძიებების განხორციელება.** სამსახურს დაევალა ცენტრ პოინტ ჯგუფის დაუსრულებელი მშენებლობების წარმოებისთვის დადებული ურთიერთთანამშრომლობის მემორანდუმის აღსრულების კონტროლი და აღნიშნულის აღსრულების პროცესში წარმოშობილი საპროცედურო საკითხების წარმოება
4. **თბილისის ტურისტული პრომოუშენი** - მიმდინარეობს მოლაპარაკებები მსოფლიოში ცნობილ ინფლუენსერებთან, ჟურნალისტებთან, ბლოგერებთან თბილისში ინფო ტურის ორგანიზების შესახებ. შედეგად თბილისის შესახებ პოსტები განთავსდება სოციალურ ქსელებსა და საერთაშორისო მედიაში.
5. **თბილისის შესახებ სტატიების საერთაშორისო მედიაში განთავსება** - მიმდინარეობს პირდაპირი შესყიდვის დოკუმენტაციი მომზადება, შედეგად თბილისის შესახებ სტატიები განთავსდება National Geographic, Wanderlust,

საპრომოციო დოკუმენტურ ვიდეოს კი დაამზადებს Globetrotter Show ჯგუფი (განთავსდება amazon prime, sky).

6. ადგილობრივი ადამიანური რესურსების განვითარება - მიმდინარეობს სასწავლო პროგრამების, სემინარების შემუშავება რამდენიმე მიმართულებით (მათ შორის ტურისტული უსაფრთხოება, ეფექტური გაყიდვები, სოციალური მედიის გამოყენება, ელ. კომერცია და ა.შ.)

7. თბილისის საინვესტიციო პროექტების და ბიზნეს გარემოს ხელშეწყობისთვის Start up Grind და Amcham -თან ერთად მიმდინარეობს მსოფლიოს ცნობილი და გავლენიანი ტექნიკესტორების და ინფლუენსერების ინფო ტურების დაგეგმვა.

კომისიაზე განხილული იქნა, აგრეთვე, „ქ. თბილისის მუნიციპალიტეტის ტერიტორიაზე გარე რეკლამის განთავსების ნებართვის აუქციონის ფორმით გაცემისას ნებართვის გამცემისა და ნებართვის მფლობელის მიერ ხელმოწერილი პირობებიან აუქციონში გამარჯვების დამადასტურებელი“ ქ. თბილისში, მდინარე მტკვრის მარცხენა და მარჯვენა სანაპიროებზე არსებულ უძრავ ნივთებზე გარე რეკლამის განთავსების ნებართვებთან დაკავშირებით გასატარებელი ღონისძიებების თაობაზე.

ქალაქ თბილისის მუნიციპალიტეტის ადმინისტრაციულ საზღვრებში, მდინარე მტკვრის მარჯვენა და მარცხენა სანაპიროების ტერიტორიაზე მდებარე უძრავ ქონებაზე გარე რეკლამის განთავსების ნებართვების გაცემის შესახებ ელექტრონული პირობებიანი აუქციონების გამოცხადების თაობაზე,

ჯანდაცვის მსოფლიო ორგანიზაციის მიერ პანდემიად აღიარებული ახალი კორონა ვირუსის „COVID 19“-ის გავრცელებისა და ქვეყნის წინაშე არსებული მზარდი ეკონომიკური გამოწვევების გათვალისწინებით, პანდემიაზე შესაბამისი რეაგირებისა და სამეწარმეო საქმიანობის განვითარება-ხელშეწყობის მიზნით, დედაქალაქის საკუთრებაში არსებული ღია კაფეს მოწყობის მიზნით გადაცემული მიწის ნაკვეთების მოიჯარეთა მიმართ განხორციელდა ხელშემწყობი ღონისძიებები.

ქ. თბილისის მუნიციპალიტეტის საკუთრებაში არსებული, სარგებლობის უფლებით გადაცემული უძრავი ქონების მოსარგებლეთა მიმართ ზოგიერთი ხელშემწყობი ღონისძიებები ხორციელდება ეკონომიკური საქმიანობის განხორციელების მიზნით, მცირე და საშუალო მეწარმეთა ხელშეწყობისთვის. სულ ამ ღონისძიებების დასაფინანსებლად გამოყოფილი თანხის ჯამური რაოდენობა 4,2 მილიონი ლარია. აქედან:

- 1,895,000 ლარი -- 362 რესტორანი
- 315,000 ლარი -- 62 ბავშვთა გასართობი ცენტრი

ელექტრონული მუსიკის წარმომადგენლების და კლუბებისათვის გამოყოფილი თანხაა 1,703,679 ლარი:

- 541 ფიზიკური პირი -- 713,600 ლარი
- 63 იურიდიული პირი -- 990,079 ლარი

**ქონების მართვის და საფინანსო-საბიუჯეტო კომისია
(კომისიის წევრი)**

2019 წლის 1 ნოემბრიდან 2020 წლის 20 სექტემბრამდე ქონების მართვის და საფინანსო-საბიუჯეტო კომისიის 24 სხდომა (311 საკითხი) ჩატარდა. დავესწარი 21 სხდომას, რომელზედაც განხილული იქნა, კომისიის კომპეტენციაში შემავალი 266 საკითხი.